

上饒縣志卷七

學校志 府學校代錄 附鄉飲酒禮

聖王教化靡不興學名教斯敦人才攸作

熙朝盛典儒術尤崇海流雍壁四達頌宮欽惟

聖訓炳煥赫奕車書攸同萬古維則志學校

世祖章皇帝順治九年

御製臥碑文頒勒各學

朝廷建立學校選取生員免其丁糧厚以廩膳設學院學道學
官以教之各衙門官以禮相待全要養成賢才以拱

上饒縣志 學校 廟祀

朝廷之用諸生皆當上報

國恩下立人品所有條教開列於後

一 生員之家父母賢智者子當受教父母愚魯或有非為者
子既讀書明理當再三懇告使父母不陷於危亡

一 生員立志當學為忠臣清官書史所載忠清事蹟務須互
相講究凡利國愛民之事更宜留心

一 生員居心忠厚正直讀書方有實用出仕必作良吏若心
術邪刻讀書必無成就為官必取禍患行害人之事者往
往自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與地方詞訟他人亦不得牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

上饒縣志

學校

廟祀

二

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

聖祖仁皇帝康熙二十三年

御書萬世師表扁額頒懸各學大成殿二十八年

詔各學設樂器三十九年

御製

至聖先師贊暨四賢贊頒學勒石四十一年

御製訓飭士子文頒勒各學

國家建立學校原以興行教化作育人才與至渥也朕臨馭以

來隆重師儒加意庠序近復慎簡學使釐剔弊端務期風教
修明賢才蔚起庶幾棧樸作人之意乃比來士習未端儒效
罕著雖因內外臣工奉行未能盡善亦由爾諸生積錮已久
猝難改易之故也茲特親製訓言再加警飭爾諸生其敬聽
之從來學者先立品行次及文學學術事功原委有敘爾諸
生幼聞庭訓長列宮牆朝夕誦讀寧無講究必也躬修實踐
砥礪廉隅敦孝順以事親秉忠貞以立志窮經考義無雜荒
誕之談取友親師悉化驕盈之氣文章歸於醇雅無事浮華
軌度式於規繩最防蕩軼子衿佻達自昔所譏苟行止有虧

上饒縣志

學校 廟祀

三

雖讀書何益若夫宅心弗淑行已多愆或蜚語流言脅制官
長或隱糧包訟出入公門或峻撥奸猾欺孤凌弱或招呼朋
類結社要盟乃如之人名教不容鄉黨不齒縱倖脫褫撲濫
竊章縫返老於衷能無媿乎况乎鄉會科名乃掄才大典關
係尤鉅士子果有真才實學何患困不逢時顧乃標榜虛名
暗通聲氣夤緣詭遇罔顧身家又或改竄鄉貫希圖進取囂
凌騰沸網利營私種種弊端深可痛憾且夫士子出身之始
尤貴以正若茲厥初拜獻便已作奸犯科貶黜時敗檢踰閑
何所不至又安望其秉公持正爲國家宣猷樹績膺後先疏

附之選哉朕用嘉惠爾等故不禁反復惓惓茲訓言頒到務
共體朕心恪遵明訓一切痛加改省爭自濯磨積行勤學以
圖上進國家三年登造束帛弓旌不特爾身有榮卽爾祖父
亦增光寵矣逢時得志寧俟他求哉若仍視爲具文玩愒勿
儆毀方躍冶暴棄自甘則是爾等冥頑無知終不能率教也
旣負栽培復干咎戾王章具在朕亦不能爲爾等寬矣自茲
以往內而國學外而直省鄉校凡學臣師長皆有司鐸之責
者並宜傳集諸生多方董勸以副朕懷否則職業弗修咎亦
難追勿謂朕言之不預也尙敬聽之哉

上饒縣志

學校 廟祀

卷七

四

康熙四十三年

上以西征噶爾丹凱還

告成大學頒平定勅漢碑勒石學宮

康熙五十一年

特諭升朱子於十哲之次五十二年

御製周易折中暨朱子全書欽頒行

詔以宋儒范仲淹從祀

世宗憲皇帝雍正元年

首命追封

孔子五代王爵將啓聖祠改爲崇聖祠

命各省學宮建忠義孝弟祠仍建節孝祠於學宮之外二年

命增定從祀先賢先儒後林放遠瑗秦冉顏何鄭康成范甯增縣

直牧皮樂正子公都子萬章公孫丑諸葛亮尹焯魏了翁

黃幹陳淳何基王柏趙復金履祥許謙陳澔羅欽順蔡清

陸隴其增張迪入崇聖祠增仲弓伯牛子張有若四家博

士三

臨雍講學命州縣人文盛處廣入學額數有差別准棚民考試

另額取進是年奉部頒文廟禮樂圖籍四年

上饒縣志

學校

廟祀

五

上御書生民未有扁額頒懸各學五年

上諭直省內外逢

先師誕辰一日齋戒

命諱

孔子名加卽爲邱七年以西征羅卜藏丹淮凱還

告成太學頒平定青海碑勒石學宮

雍正八年

上命將

聖祖欽定書經詩經春秋傳說彙纂暨

御製性理精義各直省刊板頒行

高宗純皇帝乾隆三年

御書與天地參扁額頒懸各學

詔聖廟用黃瓦

先師聖位居中東西列四配十哲次之兩廡列七十子春秋以
來諸儒次之

仁宗睿皇帝嘉慶五年

御書聖集大成扁額頒懸各學

皇上道光元年

上饒縣志

學校

廟祀

六

上書聖協時中扁額頒懸各學二年

上命贈羽劉宗周從祀西廡明臣蔡清之次三年

上命贈先臣湯斌從祀東廡明臣羅欽順之次

祀期

歲以春秋仲月上丁日先二日齋戒沐浴牲牢器幣隔宿
而敬省之至期各率其職肅將祀事府學正獻官知府分
獻官同知以下縣學正獻官知縣分獻官教諭訓導以下
執事人數監宰監洗監造膳羞收發祭器提調羈次通贊
引贊司盥洗香燭司爵司帛讀祝飲福受胙執事

祭品

先師前最上為爵三登一次之實以太羹釧二居登左右
實以和羹一黍一稷而盛以二簋一稻一梁而盛以二簋
次列登下居其左右之間簋簋左右置邊豆各十邊之實
曰形鹽曰藁魚曰鹿脯曰棗曰栗曰榛曰菱曰芡曰糗餌
曰粉飡豆之實曰菁菹曰芹菹曰韭菹曰荀菹曰醯醢曰
鹿醢曰魚醢曰脾析曰豚胎如缺視水陸之產以
方物之及時者代之終陳太牢一羊一豕一帛一饌盤一
四配四壇壇爵三釧二簋簋各二邊豆各八羊一豕一帛

上饒縣志

學校 廟祀
卷七

一饌盤一十哲東西各一壇壇爵三釧一簋簋各二邊豆
各四豕一帛一饌盤一兩廡各四壇壇爵三釧一簋簋各
一邊豆各四豕一帛一饌盤一設酒尊盥洗所於丹墀之
東南設瘞埋所於廟之西北丹墀東西及露臺上各設炬
兩廡長廊各設燈

禮器

部頒木祝版二銅毛血盆二登二彝二鼎十六毛血碟十
六釧二十二簋簋各六十一著尊鬯尊各八爵五十四皆
磁為之邊豆各二百四十六饌盤十六組二十燭臺以對

計共五十三帛篋十八牲盤十八高照四十六帷邊暨帛
篋用竹絲餘皆木爲之紬幕幃八銅勺八錫盥盆二各有
木架錫茅沙池二鐵燎爐二鐵庭燎八鐵燔爨四供桌六
紬桌幃十八

樂器

部頌大鼓一楹鼓一應鼓一鼗鼓二搏拊二皆有架緞傘
蓋一琴六并桌瑟二有架笙六龍笛六鳳簫二洞簫二埙
二篪二祝一敔一翟籥各四十八羽旄一百四十四石磬
銅鐘各十六皆有架象簫六旌旛二旌節二干二戚二

上饒縣志

學校

廟

八

祝文

部頌崇聖祠文曰惟王奕葉鍾祥光開聖緒盛德之後積
久彌昌凡聲教所覃敷率循源而溯本宜肅明禋之典用
申守土之忱茲屆仲春聿修祀事配先賢顏氏先賢曾
氏先賢孔氏先賢孟孫氏尙饗先師廟曰惟師德隆千
聖道冠百王揭日月以常行自生民所未有屬文教昌明
之會正禮和樂節之時辟雍鐘鼓咸恪薦於馨香泮水膠
庠益致嚴於籩豆茲當仲春祇率彝章肅展微忱以復聖
顏子宗聖曾子述聖子思子亞聖孟子配尙饗

樂章

部頒宮調分春秋祭春祭夾鐘爲宮倍應鐘起調秋祭南
呂爲宮倍仲呂起調凡六章章八句迎神咸平之章曰大
哉孔子先覺先知與天地參萬世之師祥徵麟紱韻答金
絲日月旣揭矩符二儀初獻寧平之章曰予懷明德玉振
全聲生民未有展也大成俎豆千古春秋上下清酒旣載
其香始升亞獻安平之章曰式禮莫愆升堂再獻響協蕤
鏞誠孚壘甌肅肅雍雍譽髦斯彥禮陶樂淑相覲而善終
獻景平之章曰自古在昔先民有作皮弁祭菜於論思樂
維天牖民惟聖時著彝倫攸敘至今木鐸徹饌咸平之章
曰先師有言祭則受福四海黷宮疇敢不肅禮成告徹毋
疏毋瀆樂所自生中原有菽送神咸平之章曰鳧繹戔戔
洙泗洋洋景行行止流澤無疆聿昭祀事祀事孔明化我
蒸民育我膠庠

釋奠

至日五鼓執事生員各供執事獻官率僚屬生員序立丹
墀下聽贊唱禮瘞毛血進饌工歌咸平之章有樂無舞獻
官率僚屬生員三跪九叩首工歌寧平之章有樂有舞行

初獻禮獻官升自東階詣盥洗所浴手授巾詣尊所
尊者舉爵酌酒詣先師前跪奠帛獻爵叩首興詣讀祝所
跪階下各官屬皆跪讀祝叩首興詣四配亦如之復位分
獻官盥洗升自東階各詣東西哲及兩廡俱如正祀儀復
位工歌安平之章有樂有舞行亞獻禮儀如初惟不盥洗
不奠帛不讀祝文復位工歌景平之章有樂有舞行終獻
禮儀如亞獻復位獻官升自東階詣香案前跪階以下皆
跪飲福受胙叩首興復位各官俱行三跪九叩首禮徹饌
工歌咸平之章樂作舞止送神工歌咸平之章樂作舞止

上饒縣志 學校 廟祀

卷七

獻官率僚屬生員三跪九叩首讀祝者捧祝司帛者捧帛
各詣瘞所望瘞工歌望瘞曲同送神詣燔帛所燔帛退

學宮

廣信府儒學建春浦門內舊在郡城西北隅宋景德三年燬

守楊舉正遷郡城東

青陽
楷記

慶曆四年州守張鑄以學制湫

隘拓而新之且請題署於朝元豐五年轉運判官鄭齊知
州事楊仲儒重修孔武仲有記

學門舊南向元祐間改東南與清流秀峯對峙南渡後棄
爲驛館教授周之才謀於眾修復之自記

喬鄭以偉王建中鄭邦福王夢賜余桂萼凡二十六人

文昌閣在崇聖祠左乾隆四十年遷閣上即祀奎星

文星塔在瑯琊峯頂前志拾遺云信郡近數十年科目寥寥用形家言謂文筆峯培其銳文運可以轉隆郡守周錚元於康熙五十二年正月捐貲興建是年恭逢萬壽恩科二月鄉闈八月禮闈府學廩生鉛山周宏勳領江西解識者謂塔與有助焉

教授署

見公署志

訓導署

見公署志

上饒縣志

學校 學官 卷七

三

學額

順治十五年題准府學額二十名現在府學歲科進額文生二十名武生二十名廩膳生四十名每年一貢增廣生四十名

康熙六十一年

恩詔直隸各省儒學大學加取文生七名中學五名小學三名府學視大學加七名

雍正十三年

恩詔如前舉行嘉慶二年加五名三年加七名五年加七名道

光元年加七名二年加七名

上饒縣儒學宋淳熙間創於天津橋元季兵燬明洪武七年
知縣林榮遷今縣治西北武安坊永樂初知縣趙景純增
建會饒堂思樂亭癸巳知縣葉廉加修正統七年知縣謝
琛重修景泰元年太守楊文奎構兩廡二年參議夏時建
石櫺星門三年太守姚堂重建殿廡暨講堂戟門儀門齋
號倉庾官廡又新聖賢儀像增置聖賢成德二坊闢天寧
寺及千戶所隙地各五丈許營之副使韓賜記
天順間太守金銳復市寺地五畝益號房三十間增學舍

上饒縣志

學校

學宮

古

三十間

御史高明有奎星樓記

去治初知縣張嶺仍而新之廓後堂三間學舍易為樓上
下六十間又建文光坊於東衢正德三年知縣黃希英重
建殿廡八年提學李夢陽命訓導張參增學舍十間太守
林光祖鑄朱子忠孝廉節四大字於石置明倫堂十一年
知縣周輅左右益規制如府學隆慶四年署縣同知廖文

光一新舊制

葉鏗記

萬曆六年知縣王炳璿以分司署在學之左門徑共由非
禮乃改建興文飭政坊徙奎星樓為學門楊時喬記

王夢賜余桂萼凡十二人

忠義祠在崇聖祠左今仍建在左祀徐中行施師黜徐元杰
游志遜王自牧鄭雅王謙李芳楊時喬鄭以偉黃清鄭爾
說凡十二人

按忠義祠列王謙李芳二人詳考本邑選舉人物兩志
均無其人惟有王讓字謙光李艾字子芳傳中俱載其
不阿權貴事蹟以列祠內洵爲不媿豈當時誤以字行
歟或讓謙並從言旁艾芳並從草頭傳寫之譌歟抑果
另有謙與芳共人也因相沿久不敢擅更姑識其疑於

此以俟後之考定焉

饒縣志

學校

學宮

七

節孝祠在崇聖祠左今移建崇聖祠右祀王伯剛妻施氏鄭
孔貫妻祝氏龔潤妻陳氏汪芳妻劉氏鄭贊妻團氏歐陽
福祐妻朱氏周瑗妻葉氏王綵妻毛氏朱朝相妻周氏丁
九臯妻魯氏鄭某妻徐氏葛人臨妻張氏王衮妻姜氏童
士祺妻陳氏鄭某妻徐氏鄭三錫妻盧氏盧君儒妻翁氏
參將孫朝選妻熊氏汪燠妻鄭氏張廷鉅妻王氏紀其年
妻管氏又有明祝氏劉氏凡二十三人

魏姚二公祠在崇聖祠左今建訓導廨二門右其先魏祠在

縣學左知縣李鴻爲學訓魏公立姚祠邑諸生爲學訓姚
參立御史桂榮記舊志萬歷中知府姚體信重修自爲記
按二祠久廢乾隆八年教諭明東陽捐建合祀今所魏
訓名字行義無考而李合爲之立祠置田其必有恃以
不朽者矣姚訓行事記載甚詳謂郡人請祀名宦姚記
謂其子司理篚亦請祀學宮乃今祠中惟篚而無參名
豈其格於部議與前志謂今學中所遺田安知非卽二
祠之田則明學博之惓惓於茲祠也其亦食舊德而不
忘報者與前志

上饒縣志 學校 學宮

卷七

六

奎星閣舊廢今建大成殿後
尊經閣舊無今建大成殿後

學額

歲科試進額文生二十名歲試進額武生十五名廩膳生
二十名二年一貢增廣生二十名

康熙六十一年

恩詔直隸各省儒學大學加取文生七名中學五名小學三名
上饒爲大學亦七名

雍正十三年

恩詔如前舉行嘉慶二年加五名三年加七名五年加七
光元年加七名二年加七名

學田

上饒儒學學田原額一頃三十畝八分二釐五毫坐落本縣
六都四十七都四十九都社林小黃沙庫前等處計租二
百一十七石內除水推沙淤田四十五畝二分五毫實存
熟田八十五畝五分二釐係孫吳兩姓產業於萬曆二十
一年助入學內學役經收崇正間歸縣禮房經收知縣陳
右卿置田五十畝楊守仁記白

上饒縣志

學校

學宮

九

皇清定鼎兵燹之後佃逃田蕪至順治十一年召募開墾每石
交穀六七斗遇災收二三分亦有全無交納者十四年奉
文學田報部每石租穀折銀二錢計穀多寡照時價易銀
完正賦外餘穀存貯造冊報明學憲易銀解賑貧生今查
此田造入十二都二畝七甲趙士基戶田坐六都六十七
都六十九都共一頃一十二畝五分二釐都分畝分與前
不對疑有錯誤且人趙士基戶不知何故再查從前俱係
禮房經收除完正賦外每年易銀五兩解學憲賑給其餘
歲科兩試文生花紅并起送文生赴科花紅酒筵之費皆

出其中例定何年亦無可考經收者累之雍正七年始移
學經理解額支費如初

一學田坐落本縣五十九都土名佛墓山等處共租四石又
塘一口園地三段兩學收管

一學田坐落本縣三十五都一畝四甲計四十九畝七分七
釐四毫此田無從考其由查舊志有姚祠校田畝分差似
疑卽此田也

一學田坐落本縣十三都一畝一甲計一十八畝二分三釐
一毫此田來由亦無考查舊志有明知縣李鴻置田以祀

上饒縣志 學校 學田 二十七

學訓魏公或近是以上二頃田租除錢漕外餘爲春秋
祀之費

一學田坐落鐘樓後園地一段兩學收管

一學地在學宮之後荒地一段未墾

按通志載學田明訓導姚參立捐置現存田一頃一十

畝零前志

一學地荒洲四片坐落三十九都土名松林被水衝去一片
尙存三片一片前佈佃徐五德架屋種菜又二片近年查
出佈佃廖正茂耕種

一汪廷選於嘉慶三年送有田租五石坐落十六都土名西協羅門前

一毛應寬於嘉慶十三年送有蘇地一片內田一坵坐落十一都土名黃泥坵共計稅一畝四分五釐八毫

社學

社學四所明宏治間知府王塘建一在城隅元妙觀左一在南隅祥符寺旁一在西隅官倉巷口一在東隅茶山橋西今俱廢

親民社學在府前譙樓西明嘉靖間郡守江珍創建萬曆

上饒縣志

學校一社學

三

卷七

間圯知縣劉伯輝偕丞劉標重加修葺改爲聖功堂自爲記今廢

附鄉飲酒禮

鄉飲酒禮每年舉行二次舉行之日設席於儒學明倫堂知縣教諭訓導縣丞先至司儀者及各賓子弟先候於大門外賓以次至西階下主以次迎於東階下三揖三讓升堂主以次立於堂東賓以次立於堂西於是主敬賓再拜賓敬主亦再拜禮畢主仍立於堂東賓仍立於堂西司儀者一人揚鱣讀誥讀律讀畢於是知縣安正賓坐於西北教

諭安介賓坐於西南訓導安候賓坐於正西安畢於是正
賓安知縣坐於東南介賓安教諭坐於東北候賓安訓導
坐於正東安畢各就坐進酒主賓舉爵進饌主賓舉筋歌
童上歌呦呦鹿鳴之章歌畢下鼓吹一次鼓吹畢進酒進
饌如初童復上歌南山有臺之章歌畢下鼓吹二次鼓吹
畢酒饌三進歌童復上歌湛湛露斯之章歌畢下鼓吹三
次鼓吹畢於是主舉爵敬賓賓舉爵敬主主賓酬酢畢各
起設香案望

闕謝

上饒縣志

學校

鄉飲酒禮

三

卷七

恩三跪九叩於是賓謝主再拜主送賓亦再拜賓自堂降於西
階主自堂降於東階賓三揖三讓而退主三揖三讓而送
於是賓退不顧

按七邑舉行鄉飲儀注皆同此禮爲敬老尙德之大典
由學校舉報實風化所關故特附此

府志

附論

竊惟周官師儒之說曰以賢得民以道得民此學校之
所由興卽學校之所由重也夫化民成俗必由於學古
之庠序卽今之州縣學也而古之屬民而教之以升爲

士者今雖專以造士要於民亦自足以相及蓋士首四民儒行敦固有可型方面訓俗而由良士以爲良吏化及於民更有明效之彰彰者今

聖朝洪化作人直省州縣無不立學所以尊奉

先師褒崇前哲者至隆且備而

頒訓學宮垂範士子更極振作加惠至意期以成天下之人才而爲斯民之良牧者胥於州縣之學基之卽專於師儒之官責之是其任不可謂不重而其職豈易云稱歟夫經正則庶民興師道立而善人多古君子之立教誠

上饒縣志

學校 附論

三

卷七

有未易幾者第思師者法也惟言教皆本諸身教而經師克協乎人師則足以爲士模者在是卽所以爲民表者亦未始不在乎是如或嘆老差卑藉爲足養衰庸之地抑矜才肆志至有不自愛惜之爲則所謂以賢以道者安在耶今饒邑崇修

文廟增廣學舍師生共慶其成而躬際其盛益以聖賢之道爲敦學而倍加敦勉人才之競起更大有克副乎

國家興賢之典以進而宣乎成化之猷者斯學校之隆正於是乎覘之